



Trond Leikvoll

Referanser:

Dykkar:

Vår: 20/17126 - 21/42169

Saksbehandlar:

Mikkel Bengtsson

mikkel.bengtsson@alver.kommune.no

Dato:

17.06.2021

Godkjenning av målretta avskyting av hjort 2021, Mongstad, Valdnr 1264V0004

Administrativt vedtak: Saknr: 697/21

VEDTAK:

Med heimel i Lov om forvaltning av naturens mangfald § 17 femte ledd og § 18 bokstav b og c godkjennast 1 år målretta avskyting av hjort 2021 for Mongstad, 4632V0004.

Godkjenninga er gjeve på følgjande vilkår:

-Hanndyr: 3 stk. eldre bukk, 1 spissbukk, 4 stk. kolle/Fjorkolle og 4 stk. kalv.

-Kalv kan fellast i staden for vaksne dyr av begge kjønn.

Grunngjeving for løyve går fram av saksutgreiing og vurdering.

Saka gjeld:

Trond Leikvoll søker på vegne av hjortevald Mongstad, vald 1264V0004 i brev dagsett 16.06.2021 om godkjenning av 1 års målretta avskyting for hjort sesong 2021. Bestanda vert vurdert til 21-23 + eventuelle dyr som er trekt til eller trekker til spesielt i brunsten. Hjortevaldet foreslår eit uttak på Hanndyr: 3 stk. eldre bukk, 1 spissbukk, 4 stk. kolle/Fjorkolle og 4 stk. kalv.

VURDERING:

Arealet på Mongstad er ikkje som andre vald i kommunen i det at det er opent for dyr å symje inn frå sjøsidea, mens industriområdet elles er inngjerda. Det er difor tilsig av dyr, mens det er vanskeleg for dyra å finne vegen ut igjen. Det har tidlegare vist seg å vare utfordrande å jage dyr utå av området Søkar har anslått antall dyr til å vare mellom 20 og 23 individ. Dette er for mykje på eit så avgrensa område og det vil føre til behov for tilleggs føring gjennom vinteren for å unngå overbeiting. Landbrukskontoret vurderer at det er for mange dyr inne på området og at tilleggs føring ikkje er ein berekraftig løysing på problemet. Det er

difor vurdert at det er betre dyrevelferd å ta ut fleire dyr inneverande haus i staden for å risikera å utsetja dyra for lidelsar gjennom vinteren. Det er og vurdert at matmangel kan få hjorten til å bevege seg meir og til område der den vanlegvis ikkje ferdast. Ein slik endring i åtferd kan utgjera ei fare for skade på eigedom, samt fare for sikkerheit for dei ansatte på basen og for hjorten.

Prinsippa i Naturmangfaldslova §§ 8-12 skal leggst til grunn som retningslinjer ved utøving av offentlig mynde, jamfør Naturmangfaldslova § 7.

Kunnskapsgrunnlaget omkring hjorten inne på Mongstad er truleg den hjorten me har mest kunnskap om i Nordhordland. Den har vore forska på og det opne landskapet kombinert med engasjerte jegerar gjer at me har god kunnskap om antall, kjønn, alder og helse på dyra. Kommunen og jegerane har og gode rutinar for oppfølging av bestanden i resten av kommunen gjennom registrering av sett hjort og årleg vårteljing. Landbrukskontoret vurderer kunnskapsgrunnlaget som godt. Hjortestammen i Austrheim er levekraftig og er sikra god genetisk drift gjennom trekk til og frå kommunen. Det same er gjeldande for hjorten på Mongstad der det kjem til dyr utanfrå. Slik bestanden inne på Mongstad har utviklast seg ser ein at det er fare for naturmangfaldet gjennom overbeiting og at mindre beitetålande artar går ut. Det vert difor vurdert at det er til det beste for naturmangfaldet at det vert felt fleire dyr. Det er ikkje snakk om å fjerna stammen eller gjera andre inngrep i naturen på staden. Det er difor vurdert at økosystemet ikkje vil bli målbart påverka av tiltaket.

Uttaket vil ikkje ha merkbar innvirkning på hjortebestanden i Austrheim kommune. Det er tidlegare gjort forsøk på å jage hjort ut frå området, utan suksess. For å unngå å stresse dyra unødig mykje, og for å sikre at dyr ikkje vert utsatt for unødig lidelse gjennom vinteren godkjennast plana for 2021.

Avskytinga for 2021 vert diskutert mellom viltansvarleg hos Equinor Mongstad, Trond Leikvoll og administrasjonen. Løyva vert tilsendt via Hjorteviltregistret.

Regelverk

LOV-2009-06-19-100: Lov om forvaltning av naturens mangfald.

Mynde

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

Klage

Vedtaket er eit enkeltvedtak etter reglane i lov om offentlig forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: 21/42169

Med vennleg helsing
Alver kommune, Landbruk

Laila Bjørge
Avdelingsleiar

Mikkel Bengtsson
Rådgjevar

Dette dokumentet er elektronisk godkjent og har difor ingen signatur.

Mottakarar:
Trond Leikvoll